

3. LANBIDE HASTAPENEKO INFORMAZIOA



ZER JAKIN BEHAR DUZU?

Zer dira eta zertarako balio dute Lanbide Hastapeneko Programek?

Gure Autonomi Erkidegoan *Lanbide Hastapenak* izenarekin ezagutzen ditugun Programek lanbide-prestakuntzaren 1go mailako lanbidetarako prestatzen zaituzte, eta era berean, zure aurreko etapan lortu duzun oinarrizko prestakuntza (LH, IEE, BBB, DBH) sendotzen dute; horrela zure ikasketak jarraitu ahal izango dituzu edozein irakaskuntza arautuan, eta bereiziki, Lanbide Heziketaren Erdi Mailako Heziketa Zikloetan.

Hona hemen programa hauek prestatzen dituzten lanbideen adibide batzuk:

Ostalaritza eta Turismo Arloa	Ibilgailu Autopropultsatuen Mantenimendu Arloa
<ul style="list-style-type: none">• Sukaldeko laguntzailea• Taberna-jatetxeko zerbitzu laguntzailea• Gozogintza laguntzailea• Alojamentu, garbitegi eta lentzeria laguntzailea	<ul style="list-style-type: none">• Karrozeri langilea• Ibilgailuen konponketarako langilea

Lanbide Hastapenerako Programen helburu nagusiak hauek dira:

1. Zure heldutasun pertsonala bultzatu, kultura anitzeko gizarte demokratiko batean pertsona bezala hazi zaitez.
2. Lan profesional baten teknika eta ezagutzak menderatzen lagundu bitzita aktiboan sartu zaitez.
3. Hezkuntza-sisteman berriro sartzeko prestatu, bereiziki Lanbide Heziketaren Erdi Mailako Heziketa Zikloetarako egiten den frogaren bidez.



Nola daude antolatuta Lanbide Hastapeneko Programak?

Lanbide-hastapeneko programak bi ikasturtetan zehar eramaten dira aurrera, eta bigarrenean, gainera, lantoki batzuetan praktikak egiten dira. Ondorengo prestakuntzako blokeak izaten dituzte lanbide-hastapeneko programek:

1. *Oinarrizko Lanbide-teknikak*: dena delako lanbideko ezagupen teknikoak eskaintzen ditu; helburua lanpostu jakin batean aritzeko beharrezkoa den gaitasun profesionala eskuratzea da. 1. mailako gaitasun profesionala eskatzen duten lanbideak dira.
2. *Oinarrizko prestakuntza*: Ondoren zehazten diren jakintzak berreskuratu eta sendotzeko balio du: komunikatzeko gaitasuna sendotzeko balio dutenak, kalkuluak egiteko eta arazoak konpontzeko balio dutenak, komunikazioko eta informazioko teknologiak erabiltzeko balio dutenak, enpresek inguruan duten ekonomia-sarea ulertzeko balio dutenak, erabakiak hartzeko eta taldelanean aritzeko balio dutenak... Lanbiderako gaitasuna lortzeko edo ikasten jarraitzeko ezinbestekoak diren ezagupenak barneratu eta sendotzea da helburua. Ikasten jarraitzekotan, bereziki Lanbide Heziketako erdi mailako heziketa-zikloetan sartzeko proben bidez egingo da.
3. *Tutoretza eta orientazioa*: helburu hauek dituzte: pertsonari garatzen, integratzen eta gizartean parte hartzen laguntzea, gizartean aritzeko trebetasunak eskuratzen laguntzea, eta kasuan kasuko lan-arloko lanbaldintzen inguruko legeriaren berri ematea, ezaguna izan dakien.

Ordutegia

Astean, gutxi gorabehera, 30 orduz jardungo da eta honela banatuko da:

- Oinarrizko Lanbide-teknikak: 14-17 ordu astean.
- Oinarrizko Prestakuntza: 13-16 ordu astean.

Tutoretza eta orientazioa prestakuntza guztian etengabe eta non nahi gartuko dira.



Nor hel daiteke Lanbide Hastapeneko Programetara?


Derrigorrezko Bigarren Hezkuntza etapako helburuak lortu gabe, hau da, Bigarren Hezkuntzako Graduatua lortu gabe utzi duen 16 urtetik gorako edozein gazte.

Zer dago Lanbide Hastapeneko Programak bukatu ondoren?

Lanbide Hastapenerako Programa bukatzen duten ikasleen lehenengo aukera lan munduan sartzea da, lana egiteko prestatu diren arloan.

Sarrera hau errazteko, Lanbide Hastapenerako Programa amaitzean ziurtagiri bat jasoko dute; bertan azalduko dira lortu dituzten gaitasunak.

Hala ere, utzitako ikasketekin jarraitu nahi badute Lanbide Heziketaren Erdi Mailako Heziketa Zikloen bidez lortu dezakete, sarrera froga gainditzen badute.



12. grafikoa




ORAIN, ERABAKIA HARTU BEHAR DA...

Lanbide perfil ugari aurkituko dituzu Lanbide Hastapenerako programe-tan eta horien artean aukeratu behar duzu zeure interesen, gaitasunen, etorki-zunerako ikuspegiaren arabera. Egoera horretan aukeratu behar duzu:

- ikasketa hauekin jarraitu nahi duzun ala ez;
- gehien interesatzen zaizun lanbide-perfila.

Ondorengo grafikoa irakurri eta azaltzen diren galderei erantzun.



13. grafikoa

